

國立北京大學講授國學之課程并說明書

中華民國九年十月



國立北京大學講授國學之課程并說明書

一 通科國學課程

文字學 模範文錄 學術文錄 中國最近世史

二 本科哲學系課程

中國哲學史大綱 中國哲學一 道家 哲學 中國哲學二 宋明 哲學 印度哲學概論 唯識哲學

三 本科中國文學系課程

中國文字學 中國文學史大綱 中國古代文學史 中國中古文學史 中國近世文學史 詩史 戲曲史 小說史 雜文之流變 詩 賦 詞 曲 史傳解詁諸子之文 古籍校讀法


本科史學系課程

中國通史 中國上古史 中國中古史 中國近世史 西周史 戰國史 秦史 中國 中國史 中國上古史 中國中古史 中國近世史 中國經濟史 中國財政史 中國美術史 中國文學史

國立北京大學講授國學之課程并說明書



6649
1271



3 2173 2381 9

中國哲學史 中國史學概論 金石學

一預科國學課程說明書

文字學

一年講完文字學爲講求中國一切學術之初基此特講明六書之大凡聲韻之綱要及訓詁轉變之方法而已

模範文錄

二年講完選擇歷代敘事說理言情最佳之作使學生奉爲模範每月仿此作文一二篇

學術文錄

二年講完自古迄清凡言學術之文如漢書藝文志孔子世家老莊申韓列傳孟子荀卿列傳荀子非十二子篇莊子天下篇等敘述一代或一家學術之文皆在所必錄使學生讀

此得明中國學術之大概

中國最近世史

一年講完講明中國最近百年之史事使明中國現在之大局由何因果而來一方則輔以
外國最近世史使明世界之大勢

二 哲學系課程說明書

哲學系分中國哲學及印度哲學西洋哲學三部而印度哲學自漢以來已早發達歷代傳
譯三藏經典頗與四庫相埒故印度哲學與中國哲學可同屬於國學茲說明如左

中國哲學史大綱

一年講完此書略分三編上編自古至戰國中編自秦漢至六朝下編自隋唐至明清哲
學有廣義有狹義此從廣義於歷代學術源流無不備舉而於周秦之諸子魏晉之玄學六
朝隋唐之佛學宋明之理學清之經學述之尤詳

道家哲學

一年講完以老子莊子爲主教授次序先釋明二書之訓話使於全部原文融會貫通次乃
繙其系統以哲學方法編次綱要使明其主旨並旁及其流別焉



宋明哲學

一年講完講明宋明諸子學術之派別及傳授之系統

印度哲學概論 唯識哲學

各一年講完印度哲學概論講明印度諸子與中土各宗之流別及其立說之要義而唯識哲學爲相宗最精之妙論尤爲研究大乘最要之梯航故特立一科焉

三中國文學系課程說明書

中國文學系純粹研究中國歷代之文學不分古今不立宗派凡屬文學之作皆在講授研究之列發揚國華增進民德胥足乎賴

中國文字學

分四年講完凡分音韵形體訓詁三大宗音韵又分今紐古紐及今韵古韵古紐由字母以上求古經之雙聲古韵由廣韵以上求詩經楚辭之用韵形體則以說文爲宗旁參鐘鼎甲骨諸古文訓詁以爾雅廣雅玉篇類篇等書爲宗而講求訓詁必以音韵明其轉變文字學

爲研究文學之基礎故不厭求詳形聲義三部各編講義

中國文學史大綱

一年講完自上古迄清末分六時代文學亦有廣義有狹義此從廣義凡舊稱經史子集之

文皆明其派別詳其系統述其利弊焉

中國古代文學史 中國中古文學史 中國近代文學史

分三年講完古代自黃帝迄戰國中古自秦漢迄唐中葉近代自唐中葉迄清末所稱文學亦從廣義其所以分爲三種講義者以對於各時代文學之源流派別敘述較詳也

詩史 小說史 戲曲史

此係新制亦分三年講完講中國文學史大綱後即接講此三種小說在周代已爲九流之

一戲曲則爲樂府之由裔皆與詩同其性質此於文學蓋從狹義所謂純文學也

雜文之流變

一年講完凡文誥公牘及一切酬酢之文前代皆冒稱爲文學實則書記之任文學之別流

也然古今之流變亦各不同明其流別述其遷變則利病乃瞭然也

詩 賦 詞 曲

分四年講完詩則詩經與樂府詩集及漢魏迄明清諸名家之詩皆屬之賦以楚辭及漢魏諸名家爲主唐以下之律賦不取詞以唐五代兩宋爲主元明清略采取其精者曲以元明清之南北曲最有寄託者爲主淫濫而無所指歸者不取此四種皆屬於純文學所謂狹義之文學也

史傳解詁諸子之文

二年講完六經皆史經卽包於史傳之內此種文章包蘊甚廣自爾雅以下及兩漢有清解經詁史之文皆樸實而有理致諸子之書雖不以能文爲歸然皆自成一家各有獨到之處凡此種文皆擇其精要明其藝術所謂廣義之文學也

古籍校讀法

一年講完古書難讀一在不明流別二在不明訓故三在不明制度四在不明錯誤此則講

明校讐流別之法假借訓故之方與夫攷證之道校勘之術皆漢儒清儒治經之家法而辨叙有條使學者得讀古書之一助焉

四史學系課程說明書

史學系分中國史學及外國史學兩部中國史屬於國學茲說明如左

中國通史

史學系舊班用之分三年講完以分類法編纂不以時代相次此爲中國舊法

中國上古史 中國中古史 中國近世史

史學系新班用之分三年講完蓋史學以時代相次乃能明其原因結果此乃應用科學方法整理史學者

西周史 戰國史 秦史

此爲研究課程中國自漢以下每朝各有斷代史而秦以前則無中國一切學術政事風俗皆淵源於周代而周代僅春秋時有編年之春秋左氏傳首尾完具事蹟詳備西周戰國並

國立北京大學講授國學之課程并說明書

此無之唯秦亦然然西周之政治戰國之學術秦之改封建爲郡縣制皆於後世有莫大之影響故先整理此三史以爲編纂上古史之基礎蓋此三史頗與西洋之希臘史羅馬史有同等之聲價具獨立之資格焉

中國學術史

史學系舊班用之原定一年講完後以學術範圍甚廣展限至二年講完 新班已將中國學術史廢去改授中國哲學史文學史美術史蓋學術範圍甚廣一人不能兼精故分而爲三使各專門家分任編纂

中國哲學史 中國文學史 中國美術史

各一年講完哲學史隸哲學系文學史隸文學系美術史隸史學系唯史學系學生必須兼治此三種

中國法制史 中國經濟史 中國財政史

各一年講完法制史與法律學系合班講授經濟史財政史與經濟學系合班講授


中國史學概論

一年講完說明中國史學之源流變遷及編纂方法並評論其利弊蓋攝史通文史通義之精華而組織稍有系統并與西洋史學相比較使研究史學者有所取資焉

金石學

一年講完中國鐘鼎彝器甲骨碑版文字大有裨補史學此學浩如煙海提綱挈領成爲有系統之組織以爲史學之補助科學焉





2010A
60

111 04

(2)

KBC
IG
1649.29
271

2